

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Fünff Bücher, Vonn Kriegs Regiment vnd Ordnung, Wie sich ein jeder Kriegszmann inn seinem Ampt vnnd Beuelch halten soll, was zu anfang eines Kriegs zuerwegen vnnd zubetrachten sey, Auch vonn ...

Fronsberger, Leonhardt

[Franckfurt am Main], 1558

VD16 F 3129

Von der Feind Läger.

[urn:nbn:de:bsz:31-41862](https://nbn-resolving.org/urn:nbn:de:bsz:31-41862)

Neutterey.

Die soll er ohn gnad eylends würgen/wie Joab den aufrührischen
Seba.

Von hülf.

Die soll er erschlahen ehe sie zum feind kumpt/würd im argwenige hülf
vonn Bunds verwandten gesandt/soll er eben im Lager vnnnd inn der
Schlachtordnung auffsehen/je zwen oder vier in ein Losament/oder
zwischen sie in ein glid einen einmengen/nit mehr weder er bewaltigen möge/
auffnehmen. Aber vertraute hülf nem er also still an/in eines jeden Knechts
Zelclin einen/das es der feind weder an viele der leute/nach weyterung des
Lagers/nach am Trommeten spüren mög/nach sich hüten odder bewahren
könn.

Von der Feind Lager.

Das soll er mitt allen listen allzeit/wie die Stett betriegen/hüngeren/
schedigen/speiß vnd tranck/viech vnnnd leuch entfüren oder vergiffen/
im Sturmwind nachts anbrennen odder erschlahen dieweil sie zwey
feln/ob sie ihr hab vor dem feuer odder sich selbs vor dem feind entschütten
sollen.

Mär.

Ex soll auch viel erdichte/grausame Rede/nach gelegenheyt der sach/
statt vnd zeit/durch listige vnd geübte Krieghleut/als durch abtrün-
nige zum feind kommen lassen/die in nach gestalt der sach vnd thaten/
wacker oder hinlässig machen mögen/Auch sich besleiffen/etliche mär wahr
zumachen/damit auch den lügen etwa geglaubt werde.

Denckzeichen.

Eiternal aber eins Fürsten geschefte vnnnd fürnemen so mancherley
sein/das er ir aller zu rechter stund nit gedencen mag/sol er so offte im
was vorteyligs zufelle/in sein Memorial verzeichnen/wie/wo/wen/
warumb/durch wehn es geschehen sol/vnd alltag darüber gehn/das nichts
nüzlichs vergessen werde.